



PREZIDÊNCIA KONSELLU MINISTRUS

VIII GOVERNUN KONSTITUSIONÁL

KOMUNIKADU IMPRENSA

Sorumutuk Estraordinária Konsellu Ministrus nian iha loron 2 fulan-agostu tinan 2018

Konsellu Ministrus hala'o sorumutuk iha Palásiu Govenu, iha Dili, no aprova Proposta Lei ne'ebé aprova ona Orsamentu Jerál Estadu nian (OJE) ba tinan 2018, ne'ebé Ministra Finansas iha ezersísiu, Sara Lobo Brites, apresenta. Orsamentu ne'e ninia valór maka millaun 1.279,6 dolar amerikanu no inklui reseita no despeza hotu-hotu Estadu no Seguransa Sosiál Timor-Leste ninian, durante período husi loron 1 fulan-janeiru to'o loron 31 fulan-dezemburu tinan 2018. OJE ba tinan 2018 haree tuir ba nesesidade Programa Govenu foun nian, ne'ebé aprova iha Parlamentu, iha semana kotuk, Estrutura Orgánika foun Govenu Konstitusionál VIII nian no dezempeñu ezelesaun orsamentál iha rejime duodesimál. Kompara ho Orsamentu Estadu tinan 2017 nian, orsamentu ne'e iha redusaun 9,5%. Aprovasaun ba proposta orsamentu nian ida-ne'e importante tebtebes, hodi estabese filafali normalidade iha ezelesaun orsamentál, no permite atu atende nesesidade hirak ne'ebé sai hanesan prioridade atu oinsá bele hetan fila-fali kreximentu ekonomia nian, hodi prepara kondisaun ba instalasaun Govenu VIII nian no ba lansamentu baze sira ba ezelesaun programa governasaun nian.

Govenu aprova ona proposta ne'ebé apresenta husi Ministru Defeza, Filomeno da Paixão de Jesus, kona-ba naran sira ne'ebé atu apresenta ba Prezidente Repúblika ba kargu Vise-Xefe Estadu-Maiór-Jenerál Forsa Armada nian, hodi substitui Filomeno da Paixão de Jesus, ne'ebé ezoneradu iha fulan-jullu tinan ne'e.

REMATA



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@mail.com
(+670) 33 310 608